



Crimen Fori Ecclesiastici

Seu Decretalium Gregorii IX. Pont. Max. Liber V ; Brevi Methodo ad dissentium utilitatem Expositus, In quo praecipuae circa Materiam hujus Libri Quinti, quae tum in Theoria, tum in praxi occurunt, difficultates solvuntur, allatis etiam contrà sentientium fundamentis, & horum solutionibus

Accedunt tres Indices, unus Titulorum initio Operis, duo rerum, & verborum notabilium in calce ejusdem, prior quidem super Tomum præsentem, alter compendiosus super Universum Jus Canonicum

Schmalzgrueber, Franz

Ingolstadii, 1727

VD18 13510827-001

§. II. De Privilegiorum Varietate.

[urn:nbn:de:hbz:466:1-75255](#)

possint habere effectum suum illico à die concessionis , dummodo ex postfacto acceptentur à privilegiato , sicut à pari Legatum in Testamento relictum , fecutâ ex postfacto acceptatione , cedit , seu debetur Legatario à die mortis testatoris *l. si tibi 86. §. cùm servus 2. ff. de Legat. 1. Reiffenstuel bīc n. 45.*

31 Contra in casu secundo , licet privilegiatus ignoret , privilegium sibi actu concessum fuisse , si tamen juxta privilegium operetur , validè operatur : idem dic de Dispensatione : & ratio est , quia jam acceptus jus plenum . Dixi , Valide operari : regulariter enim non licet uti privilegio ante habitam concessionis notitiam ; quia alias exponeret se periculo faciendi auctum illicitum , vel omnino nullum . *Excipe* ,

nisi probabile sit , concessum jam esse privilegium ; tunc enim , urgente necessitate licitus esse potest privilegii usus absque certiore ejusdem notitia .

Queres , quae scientia , notitia , & acceptatio privilegii sufficiat , ut verè privilegium tibi concessum valorem , & effectum habeat ? *Bz. sufficere , si acceptes per te , vel per tuum Nuntium , & Procuratorem , aut per Epistolam à te missam , quā beneficium , & privilegium petis , vel ultro datum acceptas . Salas , Suarez , Sanchez , Bonacina , quos citat , & sequitur Palao §. 2. cit. n. 10. Ratio est ; quia talis acceptatio sufficit ad constitutandam validam , & firmam quamlibet aliam donationem . ergo & privilegium , quod , ut dixi , est quædam donatio .*

S. II.

De Privilegiorum Varietate.

S U M M A R I U M .

- 33. Dividitur I. Privilegium in Reale , & Personale .
- 34. Differentia istorum à se invicem .
- 35. Quale privilegium sit , quod concessum est Religioni , Civitati &c.
- 36. Vel quod conceditur persone ob aliquam illius excellentiam ?
- 37. Unde colligendum , an Privilegium aliud sit reale , vel personale ?
- 38. II. Dividitur Privilegium in Gratosum , & Remuneratorium .
- 39. &c. An Remuneratorium possit esse Reale ?
- 40. III. In Purum , & Conventionale .
- 41. An detur revera aliquid Privilegium Conventionale ?
- 42. &c. An Privilegium Conventionale possit etiam esse Reale ?
- 43. IV. Dividitur in concessum ad preces , & in concessum motu proprio .
- 44. Quid circa ista notandum ?
- 45. 49. Quando Motus proprius tollat vi- tium Ob- & Subreptionis ?
- 50. V. Aliud dicitur Causum in corpore Ju- ris communis , aliud datum per Refri- pum speciale &
- 51. &c. Quando omisso operis , sub cuius one- re conceditur Privilegium , irritet ejus usum ?
- 52. VI. Aliud dicitur Causum in corpore Ju- ris communis , aliud datum per Refri- pum speciale &
- 53. 56. Differentia inter ista .
- 57. VII. Dividitur in id , quod est contra Jus , & in id , quod est præter Jus .
- 58. Differentia istorum .
- 59. VIII. In commune , & singulare .
- 60. Horum differentia .
- 61. 62. IX. In perpetuum , & temporale .
- 63. 64. X. In favorabile , & odiosum .
- 65. 66. XI. In Affirmativum , & negativum .
- 67. XII. In Privilegium pro foro consci- entie tantum , & in Privilegium pro fo- ro etiam externo .
- 68. XIII. In scriptum , & non scriptum .
- 69. XIV. In concessum per se primo , & in concessum ad instar .

Privilégii , cujus natura hactenus ex- plicata est , sunt variæ species ; nam **33** I. Dividitur in Reale , & Personale . sumitur divisio hæc ex c. mandata 6. de Pre- sumpt. ibi , Quas non loco tribuimus , sed persona ; & l. privilegia 196. ff. de R. J. ibi , Privilegia quadam cause sunt , quedam per- sonæ . Personale dicitur , quod proximè , seu immediate , & directè ipsi personæ conferunt in favorem illius , sive ratione ipsius personæ . Reale , quod pro- xime , immediate , & directè conser- tur rei à persona distincta . Neque obstat ,

quod utilitas Privilégii etiam Realis ulti- matè redundet in personam ; nam cùm res inanimata utilitatis capaces non sint , ne- cessarium hoc omnino est , ne inutile prorsus sit Privilégium Reale . Porro res , quibus Privilégium reale annecti solet , sunt duplicitis generis ; alia enim sunt Corporeæ ut Ecclesia , Monasterium , Castrum , fun- dus &c. alia Incorporeæ , ut Collegium , Universitas , vel alia Communitas , Epi- scopatus , Dignitas , Clericatus , Status Religiosus , Doctoratus , vel alia qualitas à persona separabilis . Et hinc Realia sunt Pri-

Privilegium Asylia concessum Locis Sacris, Canonis, & Fori concessum personis Ecclesiasticis, S. C. Macedoniani concessum filiis, S. C. Vellejani concessum foemini, Restitutio in integrum concessum Minoribus &c. Azor p. 1. l. 5. c. 22. q. 2. Suar. l. 8. de LL. c. 3. à n. 3. Wiesner hic n. 17. Reiffenstuel ibid. n. 15.

Dub. 1. in quo Privilegium personalia differat a Reali? ^{b.} differunt inter se Privilegia ita, quod Privilegium personale sequatur personam, & cum ea extinguitur Reg. in omnibus 68. ff. & Reg. privilegium 7. in 6. Reale vero adharet rei, & propere tamdiu duret, quamdiu durat res, cui annexum est privilegium. Porro haec ipsa differentia causam dedit, ut DD. inter ipsa personalia, & realia Privilegia aliquam diversitatem agnoscant; nam aliqua ita communicantur personae singulari, ut cum eadern etiam exinguantur; & haec dicunt esse Privilegia singulariter personalia: alia ita adharent rei, ut cum re ad hæredem transerant; & haec appellant strictè realia: alia, quia videntur participare aliquid de Reali, & aliquid de Personalis, vocant idcirco mixta.

Porro inter ipsa etiam Mixta diversitatem aliquam distinguunt; nam aliqua ita conceduntur personae, ut fiat etiam respectus ad Statum, Dignitatem, Officium, munus, conditionem &c., ipsas adharentem; & haec appellant Communiter personalia. Alia sunt, quæ conceduntur certo Corpori, sive Communitatibus, e. g. Religioni, Universitati, Collegio, Monasterio &c. & haec quia adharent Corpori, neque cum singularibus personis extinguntur, Corporalia dicunt. Sed meo iudicio non videtur necesse tot distinctiones facere; nam omnia cætera, quæ cum persona non finiuntur, Privilegii realis nomine venire possunt, sive deinde adharent Corpori, seu Communitatibus, sive Statui, & conditioni, sive loco, aut fundo.

Dub. 2. quale Privilegium, Reale, an Personale sit, quod conceditur Religioni, Civitati, Monasterio, Communatibus &c. ita, ut non tantum Communitas quæ talis illo uti possit, sed etiam singuli, ut sunt plurima Privilegia Ordinum Religiosorum, Status Clericalis &c. ^{b.} esse Reale; quia licet descendat ad personas singulas, non tamen iis communiciatur, quæ tales sunt, sed ob qualitatem communem sibi adharentem, nempe quia sunt membra talis communatis. Palao tr. 3. D. 4. p. 2. §. 1. n. 2. Porro ut cognoscatur, an Privilegium Communitatibus concessum sit ita, ut singuli uti eodem possint, an vero ita duntaxat, ut eo uti possit tantum Communitas, considerandum est, an ejusmodi Privilegium con-

cessum sit sub nomine collectivo, & expresso ipsius Communatis, e. g. Collegii, Universitatis &c. & huic directe, ac immediatè; an vero concessum sit personis singularibus, ex quibus tale Corpus componitur. Si primum, censetur concessum Communatati, quatenus haec facit unum Corpus, ita, ut non possint eo uti personæ singulares quæ tales, sed tunc solum, quando Corpus suum collegialiter representant. Si secundum, singulis separatis competit, illoque uti possunt singulares personæ, una independenter ab altera, & sufficit incorporatas esse tali Collegio, modò exerceant artem, studium, professionem &c. ad quam tale Collegium fuit institutum. Hinc privilegij Scholarium non gaudet Studiosus, qui non studet, ut post Abbatem, advertit König hic n. 17. nec privilegij Regularium, aut sui Ordinis Religiosus factus Episcopus, ut docet Portel Summ. Q. Q. Regul. V. Episcopus n. 4.

Dub. 3. an Reale, vel Personale ³⁶ censendum sit Privilegium, quod conceditur personæ ob aliquam illius excellentiam, e. g. ob labores in bello exantatos, ob ingenitam victoriam reportatam, ob singularem scientiam &c. ^{b.} cum Palao tr. 3. D. 4. §. 1. n. 3. distinguendo: Vel enim Privilegium hoc de tali materia est, ut ad hæredes, vel successores transmitti possit, vel ob incapacitatem materiæ non potest. Si secundum, personale est, quantumcumque verba aliud indicent; quia verba debent rebus accommodari. Si primum, attendenda sunt verba privilegii; nam si haec dirigantur immediate in rem, officium, conditionem &c. ut si dicatur, Concedimus Prepositure, vel Preposito Ecclesie Eystettenis &c. censendum est Reale: nisi addatur aliquid, quod ad personam verba generalia revocet, ut si adderetur verbis supra relatis, ob ejus prudentiam, scientiam, vel sanctitatem singularem &c. tunc enim concessio personalis censi debet; quia non omnibus ejus Successoribus prærogativa ista necessaria competit. Contra pro Personali habendum est, si verba privilegii immediate dirigantur in personam, eam exprimendo nomine proprio, vel etiam appellativo, Concedimus tibi, semproni, vel tibi Preposito Eystetteni pro tempore existenti. Excipitur, nisi addantur verba, quæ perpetuitatem, & transmissionem privilegii ad Successores denotent, ut si dicatur: Tibi, & Successori bus tuis &c. Idem est, si addatur, Tibi in perpetuum concedo bac facultatem; nam vi hujus particulae in perpetuum, ne frustra dicatur ponit, ad Successores extenditur. Neque obstat, quod et si Contractus Societas dicatur factus esse in perpetuum, tamen ultra vitam contrahentis ille non

extendatur; nam disparitas est, quia Socii non possunt hæredes obligare ad societatem l. cùm duobus 52. S. idem respondit 9. & l. adeò 59. ff. pro socio.

³⁷ Dub. 4. quid si neque ex materia Privilegii, neque ex forma, seu verbis ejusdem solvi dubium potest, reputandum est esse reale, an personale? Exemplum sit formula, quâ diceretur, *Tibi Eystetteri Episcopo concedo facultatem dispensandi &c.* nam cùm verba hæc ad Dignitatem simul, & personam dirigantur, dubium meritò est, an ad personam ratione personæ, an verò ratione Dignitatis dirigantur. Putant nonnulli reputandum esse Privilegium personale; nam duplice Præsumptione concurrente, unâ speciali, alterâ generali, prævalens specialis. sed personalis præsumptio magis specialis est, ergo pro personali in hoc dubio standum est. Sed rectius distinguunt Suar. l. 8. de LL. c. 3. n. 18. & 19. Palao tr. 3. D. 4. p. 2. §. 1. n. 6. Donat. Prax. Regul. tom. 1. p. 1. tr. 4. q. 3. n. 2. Haun. tr. procœm. n. 160. Piching bic n. 7. Engl. n. 4. Wiestner n. 18. Reiffenstuel n. 16. Vel enim privilegium omnino est favorable, & continens merum beneficium Principis sine ullius onere, & præjudicio, & tunc censendum est esse reale, & extendi debet; quia beneficium concessum à Principe decet esse mansurum Reg. decet 16. in 6. & beneficium Principis plenissimè interpretari debemus l. fin. de Confit. Princip. Vel privilegium est odiosum, quia est contra Jus commune, vel cedit in aliorum præjudicium, & tunc in dubio censendum est personale; quia odia sunt restringenda, & qua à Jure exorbitant, non debent trahi in consequentiam. Reg. odia 15. & R. que à Jure 28. in 6. ac proinde stricte interpretandum est, ut potius temporale præjudicium inferat, quam perpetuum. Debet tamen hoc præjudicium grave esse; alias in considerationem non adducitur. Neque obstat Regula initio Dubii allegata; quia ut bene advertit Palao l. cit. hoc solum intelligitur, quando præsumptio specialis generali opponitur: secus, si in generalem transeat.

³⁸ 2. Dividitur Privilegium in mere gratiosum, & remuneratorium. Remuneratorium est, quod alicui conceditur in præmium meritorum vel à se, vel à parentibus, & consanguineis ejus positorum: & talia sunt pleraque Privilegia data Regularibus; quia his Summi Pont, præclara illorum merita in conversione Infidelium, defensione Fidei, administratione Sacramentorum &c. exhibita remunerari volebant. Gratiosum est, quod procedit ex mera liberalitate concedentis, & non ex merito, ut merito: quæ ultima verba

addo; quia, ut bene advertit Palao tr. 3. D. 4. p. 2. §. 3. n. 1. non obstat Privilegio gratiolo, etiamsi in ejus concepcione respiciantur merita privilegiati, modò non respiquantur ut merita, & ita, ut dans Privilegium per hujus concessionem illa velit remunerari, & quodammodo satisfacere. Porro facile DD. convenienter in hoc quod Privilegium merè Gratiosum possit esse Reale, vel Personale.

Dubium est, an Reale possit esse 39 Privilegium remuneratorium? Barbol. in l. quia tale 14. ff. solut. matr. n. 14. putat illud semper ex natura sua esse personale: quod videtur etiam probare ratio; nam privilegium reale debet transire ad hæredes. Sed remuneratorium ad hæredes transire non potest; quia in his deficiunt merita, ob quæ conceditur privilegium. Conf. ex Reg. 68. ff. ibi, In omnibus causis id obseruator, ut ubi persona conditio locum facit beneficium, ibi deficiente ea, beneficium quoque deficiat: & l. quod Principi 1. §. fin. ff. de Conf. Princip. ubi Ulpianus, Quæ, inquit, Princeps ob merita induit - - - personam non egrediuntur.

Sed dicendum, Privilegium remuneratorium in dubio quidem præsumi personale, posse tamen, & saepe etiam esse reale. Ita Suar. l. 8. de LL. c. 4. n. 8. Palao §. 3. cit. n. 2. & seqq. Haun. tr. procœm. n. 164. Wiestner bic n. 20. Reiffenstuel ibid. n. 17. Et quidem quod in dubio præsumendum sit esse personale, patet ex eo, quia merita, in quibus fundatur, personalia sunt. Quod verò possit esse reale, sumitur ex natura remuneracionis; licet enim de ratione istius sit, ut eam præcesserint merita, non tamen requiritur, ut hæc merita privilegiatus ipse posuerit; potest enim privilegium concedi filiis ob merita parentum & successoribus ob merita antecessorum.

Hinc cadit Ratio dubitandi in contrarium allata; quia saepe Princeps, remunerans merita per privilegium, tantum considerat relationem, quam habet is, cui creditur privilegium, cum eo, qui posuit merita. Ad Conf. dico privilegium cum persona, quæ locum beneficio fecit, tunc solum deficere, quando istud ab hac dependet tam in esse, quam in conservari. atqui ostensum est, quod saepe non dependet in conservari à conditione personæ, quæ locum beneficio fecit. Ad id, quod additur ex l. quod Principi cit. dico, beneficium, quod Princeps concedit ob merita, personam non egredi per consequentiam, ut in exemplum trahi possit, prout habetur Reg. 74. in 6. posse tamen egredi personam, quæ posuit meritum, per intentionem ipsius concedentis privilegium, si scilicet iste ob unius merita bene-

beneficium illud velit concedere toti familiæ, communitatì &c.

⁴² 3. Dividitur Privilegium in Purum, & Conventionale. *Purum* dicitur, quod conceditur, nulla interveniente pætione, vel conventione, ratione cuius ipsum privilegium, quodammodo emi, & compenſari censetur; *Conventionale* autem, quando talis pætio, vel conventio intercedit. *Suar. l. 8. de LL. c. 4. n. 9.* *Palao tr. 3. D. 4. p. 2. §. 3. n. 1. v. quartò.* *König bic n. 4.* *Reiffenstuel ibid. n. 19.*

Dubitant aliqui, an detur revera aliud quod privilegium *Conventionale*? Negat *Bald. in l. fin. C. unde liberi. n. 33.* quia privilegium est gratia. Conventio autem inducit debitum. igitur sicut gratia non stat cum debito, ita nec privilegium eum in conventione. Sed hoc non obſtant, retinenda est sententia affirmativa, quam cum communi defendunt *Suar. n. 9. cit.* *Palao l. cit. n. 2.* *Wiesner hic n. 21.* quia licet de natura privilegii sit, ut sit gratia, non tamen de natura ejus est, ut concedatur merè gratiosè; potest enim concedi vel merè liberalitatis, vel remunerationis etiam, sine debiti tribuendi gratiâ. *Ex quo patet ad Rationem dubitandi oppositam;* quia ad privilegium sufficit, si concedat aliquid ultra id, quod Jure cautum est: & hoc per se gratia est, eti per accidens aliquando proficiatur ex debito.

⁴³ *Majus dubium est*, an Privilegium *Conventionale* possit etiam esse Personale? Et ratio dubitandi est, quia fundatur in pacto, & non in persona, & propterea neque ab ipso concedente revocari potest. ergo videtur esse privilegium reale, & per se perpetuum. Sed tenenda iterum est affirmativa Sententia cum *Palao n. 2. cit.* & ratio est, quia concedi Privilegium *Conventionale* potest persona, vel officio, limitato tempore, vel in perpetuum. *Ad Rationem dubitandi dico,* Privilegium hoc fundari in pacto, tanquam in occasione, & causa, ob quam concessum est privilegium; non verò tanquam in fundamento, cui annexatur ipsa concessio.

⁴⁴ Quare, ut cognoscatur, an reale, vel personale hoc privilegium sit, attendenda sunt verba Privilegii, & materia, circa quam versatur. Quodsi ponderatis omnibus, dubium sit adhuc, an reale, vel personale sit, præsumendum est esse reale. *Menoch. l. 3. presump. 103. n. 22.* *Barbos. in l. quia tale ff. soluti matr. n. 6. fin.* *Palao §. 3. cit. n. 5.* & ratio est, quia hujusmodi Privilegium fortius rationem *Contractus*, qui regulariter ad hæredes transit *l. Juris gentium 7. §. pactorum 8. ff. de Pact.*

⁴⁵ 4. Dividitur Privilegium in id, quod concessum est ad preces, vel instantiam partis, & in id, quod concessum est motu pro-

prio. *Primum* est, quod concessum est propter instantiam privilegati, vel alterius qui ejus partes gerit, alias non concedendum. *Alterum* est, in cuius concessione Princeps à se ipso moveret independenter à qualibet alia intercessione.

Ubi tria notanda sunt. ⁴⁶ 1. non repugnat Privilegio concesso ex Motu proprio, quod petitum sit hujusmodi privilegium, modò Princeps illud non dederit, ob petitionem hujusmodi, tanquam ob causam finalē. *Menoch. de arbitr. cas. 201. n. 79.* *Sanch. l. 8. de matr. D. 1. n. 6.* *Suar. l. 8. de LL. c. 12. n. 6. §. 7.* *Palao tr. 3. D. 4. p. 2. §. 6. n. 1.* 2. Non censeatur Motu proprio concessum privilegium, nisi in ipsa concessione sic exprimatur c. §. motu 23. de *Preb.* in 6. & ratio est, quia moraliter impossibile est aliter probare, sic esse concessum. 3. Privilegium motu proprio concessum plenissima interpretationis est c. quāvis 4. cū ibi notatis per *Gloss. V. plenissimè de Preb. in 6.* & plerumque saltem non potest argui Sub-vel Obreptionis c. si motu cit. Contrà illud, quod sine dicta clausula simpliciter ad preces concessum est, corruit propter falsa narrata, vel tacita veritatem, quæ de Jure ac styllo Curia exprimi debuisset; subintelligitur enim semper illa tacita conditio, si preces veritate nitantur c. ex parte 2. §. alibi passim de *Rescript.*

Dixi Plerumque saltem; non enim semper clausula mortis proprii in Privilegio vitium Ob- vel Subreptionis tollit: sed, ut bene advertit *Palao l. cit. n. 4. & seqq.* examinandum est, an à privilegiato pro Privilegio imprestando sit facta aliqua supplicatio, vel non. Si facta est, supplicatio, disquirendum, an integra illa fuerit, vel diminuta, ita, ut si Princeps resuisset veritatem, non fuisset concessurus privilegium. Si integra fuit supplicatio, clarum est, non posse dari subreptionem. Si diminuta, videndum, an tacita, à supplicante fuerit veritas aliqua intrinseca, quæ substantiam rei mutat, an verò solum extrinseca aliqua, quæ rem non mutat. Si taceatur veritas aliqua intrinseca, v. g. si petens beneficium Ecclesiasticum taceat illud esse Regulare, vel unitum alteri Beneficio, aut Ecclesia, concessio nulla est, eti si fiat motu proprio; quia intentio concedentis fuit concedere Beneficium commune, quale fuit representatum in supplicatione, & non affectum tali qualitate, cons. ex defectu intentionis invalidum est Privilegium. Si verò taceatur veritas aliqua extrinseca, & rem non mutans, valida erit concessio, eti Princeps forte illud non fuisset concessurus, si veritatem integrè cognovisset; quia juxta communem DD. clausula *Motus proprii* vim istam habet, ut tacit-

taciturnitas veritatis non vitiet gratiam, quæ motu proprio concedi dicitur. atqui si in nostro hoc casu taciturnitas supplicantis officeret, nullus dari casus aliis posset, in quo valerer gratia ex taciturnitate veritatis facta. ergo &c.

⁴⁹ *Quodsi autem pro impetrando Privilgio nulla facta est, supplicatio, videntum, an in concessione Princeps falsitatem exprimat, vel non. s. falsitatem exprimit, videntum, an status, qualitas, circumstantia falso expressa talis sit, ut eanon extante, non soleat concedi privilegium: & tunc tale Privilgium, & gratia irrita est, et si addatur clausula Motu proprio; quia tunc Princeps non censetur aliter concedere privilegium, nisi quatenus intelligit rem sic se habere. Si vero nullam Princeps in Rescripto suo falsitatem exprimat, et si forte aliqua, alias exprimenda, taceat, firma est gratia, & per se loquendo nullum vitium Subreptionis habet. Duxi per se loquendo; potest enim ex aliis causis irritari: & 1. quidem, si cedat in præjudicium tertii; quia non censetur concedens juri alteri acquisito derogare, nisi illius mentionem faciat. 2. Si sit adversus constitutum municipale, & consuetudinem receptam, ob eandem rationem. 3. Si concedatur alioquin inhabili, e. g. Beneficium Ecclesiasticum illegitimo, irregulari, excommunicato, non impetrata prius dispensatione illius impedimenti; quia clausula Motu proprii solum significat concedentem moveri a se ad privilegii concessione, non vero significat se dispensare in hujusmodi impedimentis, & inhabilitatibus.*

⁵⁰ *5. Aliud dicitur Privilgium absolute concessum, aliud sub conditione, & modo. Absolutè concessum dicitur, quod conceditur sine onere Privilegiarii; sub conditione, & modo, quod conceditur sub conditione, vel sub onere alicuius operis efficiendi. Palao tr. 3. D. 4. p. 3. §. 7. n. 1.*

Dubitatur, quando omisso operis, sub cuius onere conceditur Privilgium, irritet ejus usum? 1. cum distinctione: Vel enim opus injunctum debet antecedere usum privilegii, vel fieri id potest etiam post illius usum. Si hoc secundum, omissione illius non facit irritum privilegii usum; quia jam supponitur usus legitimus privilegii: sic valida est absolutio a reservatis, quam obtinuisti cum obligatione comparendi, et si obligationi huic postea non satisfacias, quamvis omitto pecces.

⁵¹ *Si primum, irritus est privilegii usus, si opus ejusmodi omittatur; censetur enim privilegium concedi sub conditione illius operis, quæ cum non impleatur, privilegium ex intentione concedentis nullum est. Palao l. cit. n. 2. qui n. 3. infert, si*

detur privilegium dispensandi absolvendi, puniendo aliquem cum consilio alterius, nullam esse absolutionem, dispensationem &c. si consilium omittas petere; nam consilium ex natura sua antecedit actum. Igitur cum secundum dicta omisso operis, sub cuius onere concessum est privilegium, irritet ejus usum, quando illud antecedere deberet usum, pariter irritus erit in nostro casu usus Privilégii, si non antea ad hoc petitum fuit consilium.

Dixi, si consilium omittas petere; quia, sequi non teneris, nisi addatur, Cum consilium illius, à quo consilium petitur. Ratio est, quia non semper juberis consilium sequi, quando juberis illud postulare: atque hinc si in casu positio petas quidem consilium, sed consilium datum non sequeris, adhuc valebit actus.

⁵⁴ 6. Aliud Privilgium dicitur Clauſum in corpore Juris communis aliud Datum per Rescriptum speciale. Pius est, quod inter alias Leges Corpori Juris insertum est; & talia sunt Privilégia Ecclesiastarum, & Ecclesiasticorum, quæ passim habentur tam in Corpore Juris Canonici, quam Juris Civilis, præfertim c. de SS. Eccl. item C. de Episc. & Cler. Neque obſta quod privilium sit Lex privata, ut dictum est n. 2. & propterea distinguatur à Lege communi, quod hæc pro omnibus lata sit, cum Privilgium certarum solum personarum favorem respiciat; hoc enim nihil impedit, quo minus Lege communi continetur, sed aliquando etiam valde utile est, ut sic ejusmodi Privilgium sciantur ab omnibus, & privilegiati ab ejus uso non impediatur. Alterum privilegii genus, scilicet datum per speciale Rescriptum est, quod extra corpus Juris certæ alicui persone communitati, vel loco, specialiter per litteras, Diploma, Bullam, vel Indultum concessum est.

⁵⁵ Differunt inter se 1. quod Privilgium clausum in Corpore Juris Jūdex ignorare non debeat, vel saltem non praesumatur: & idcirco si contra tale privalgium ipse privilegiato injungat comparitionem in Judicio, vel quid aliud, privilegiatus non tenetur obedire, vel comparere, aut de comparitione se excusare c. sanè 5. & c. cum ad querendam 7. de Excess. Prelat. At si Jūdex mandet, vel aliquem citet contra privalgium specialiter datum, & positum extra Corpus Juris, privilegiatus tenetur comparere saltem pro reverentia Judicis, & privalgium suum exhibere c. cum persone 7. b. tit. in 6. & l. quis 5. ff. de Judic. quia cum sit facti, ignorari potest à Jūdice.

⁵⁶ Differunt 2. quia Privilégia extra Corpus Juris plerumque sunt temporalia, & strictæ interpretationis, nec extenduntur extra personas, quibus concessa sunt; clauſum

clausa vero in Corpore Juris ordinariè sunt perpetua, & recipiunt interpretationem, & aliquando ex paritate rationis extensio nem, sicut ipsæ Leges communes. Engl. hic n. 2. v. deinde König ibid. n. 8.

⁵⁷ 7. Dividitur Privilegium in id, quod est contra Jus, & in id, quod est præter Jus. *Contra Jus* dicitur illud, quod derogat Juri communī, ut est exemptione à solvenda Decimis, à Jurisdictione Ordinarii &c. *Ultra*, vel *præter Jus* dicitur esse, quod concedit favores peculiares in Jure non expressos, veluti est potestas ab solvendi à reservatis, dispensandi &c. Sannig hic c. 1. n. 4. Engl. n. 5. Reiffenstuel n. 7.

⁵⁸ Differunt 1. quia privilegium contra Jus dicitur propriè Privilegium arg. 1 *Jus singulare* 16. ff. de LL. ibi, *Jus singulare*, (quo nomine intelligitur Privilegium) est, quod *contra tenorem rationis* (scilicet contra rationem Juris communis, seu Legis) propter aliquam utilitatem *authoritate constituentium introductum* est. Contra Privilegium præter Jus non est ita strictè privilegium, sed potius dicitur beneficium Principis, seu gratia ab isto concessa præter Jus. Reiffenstuel n. 8. 2. differunt, quia privilegium contra Jus commune est strictè interpretationis arg. c. porro 7. & c. sine 9. b. tit. Privilegium vero præter Jus, cum sit mera gratia, & beneficium, latè interpretari debet. Reiffenstuel n. 9.

⁵⁹ 8. Dividitur in privilegium Commune, & Privatum, seu singulare. *Commune* dicitur, quod primò, & per se respicit bonum Communis, cui conceditur, licet in istius membra etiam redundet, ut sunt privilegia Canonis, & Fori, & Competentia, concessa toti Ordini Ecclesiastico. *Privatum*, seu *Singulare*, quod primò, & per se respicit bonum personarum particularium, licet mediatè etiam ipsum spectet bonum commune, cuius interest v. g. imbecilles defendi, bene meritos remunerari &c. & tale privilegium est beneficium restitutioonis in integrum concessum minoribus &c. Abb. in c. si diligenti 12. de for. compet. Suar. l. 8. de LL. c. 6. n. 1. Palao tr. 3. D. 4. p. 2. §. 4. n. 2. Haun. tr. procœm. n. 168. Wiestner hic n. 24. Reiffenstuel ibid. n. 22.

⁶⁰ Differunt præcipue in hoc, quod præ privilegio Communi à privatis renuntiari nequeat; possit autem privilegio singulari, regulariter loquendo: cuius discriminis ratio hæc est, quia favori pro se principaliiter introducto quilibet renuntiare potest. talis favor est privilegium singulare, non autem commune, ergo &c. Addidi autem Regulariter; nam si renuntiatio Prælegii singularis cederet in prajudicium alterius, neque ipsi renuntiare potest. Suar. n. 4. cum cit.

R. P. Schmalzgrueber L. V. T. II.

9. Dividitur in Perpetuum, & ⁶¹ Temporale. *Perpetuum* dicitur, non quasi amitti non posse, sed quia ex se, & nisi revocetur, durat perpetuo: & talia sunt, quæ vel absolute, & sine limitatione temporis alicui conceduntur, vel adhærent rei ex se perpetua, ut est Privilegium concessum Ecclesiaz, Ordini Religioso, Statiui, vel Dignitati certa &c.

Temporale vero est, quod de se ⁶² tempore limitato finitur. Hoc tripliciter fieri potest. 1. Ex parte ejus, cui conceditur, si scilicet concedatur persona tantum, etiam ad tempus vitæ; nam comparatione facta ad Privilegium reale perpetuum, temporale est, & finitur cum persona. 2. Ex parte concedentis, quando conceditur pro sola concedentis vita, vel pro limitato aliquo tempore. 3. Ex parte ipsius Privilegii, si concedatur sub aliqua conditione, quæ lapsu temporis finitur. Suar. l. 8. de LL. c. 5. n. 1. Palao tr. 3. D. 4. p. 2. §. 2. n. 1. §. 2. Sannig hic c. 1. n. 5. Pirhing n. 8. Reiffenstuel n. 18.

10. Dividitur in Favorabile, & ⁶³ Odiosum. *Favorabile* est, quod ita favorem continet, ut nemini incommodum afficeret: tale est privilegium audiendi Missam tempore Interdicti, vescendi laeticiis, & carnis in Quadragesima faciendi Testamentum sine Juris solennitate &c.

Odiosum dicitur, quod ita favet privilegiato, ut simili alteri afficeret prejudicium: & tale est privilegium, quo eximitur aliquis solvendis Decimis; nocet enim illi, cui alias debebantur Decimæ, eti proposit habenti hanc exemptionem. Azor p. 1. l. 5. c. 23. q. 2. Suar. l. 8. de LL. c. 6. n. 5. Bonacini. D. 1. q. 3. p. 1. n. 21. Palao tr. 3. D. 4. p. 2. §. 4. n. 3. König hic n. 5. post Bald. Abb. Tiraquell. §c.

11. Dividitur in Affirmativum, & ⁶⁴ Negativum. *Affirmativum* est, quod facultatem concedit, ad aliquid efficiendum. *Negativum*, quod conedit facultatem ad omissendum.

Differunt inter se. 1. quia *Negativum* semper est contra Jus certum, vel dubium, dum potestatē dat omissendi, ad quod ponendum obligantur de Jure cæteri: *Affirmativum* vero aliquando est contra Jus, aliquando præter Jus; consistit enim in actione, quæ potest esse Juri communī adversa, vel saltem ab illo non concessa. 2. Differunt, quia *Negativum* semper est oppositum præcepto affirmativo; *Affirmativum* non semper oppositum est præcepto, & cum opponitur, negativo opponitur. Suar. c. 6. n. 9. Palao §. 4. n. 1.

12. Dividitur in Prælegium pro ⁶⁷ fo-ro conscientiæ tantum, & in Prælegium pro fo-ro etiā externo. *Primum* prodest habenti solum in fo-ro interno; nam in

externo se gerere debet, acsi privilegium non haberet. Alterum prodest in foro utroque, externo, & interno, ita, ut qui secundum id operatur, in utroque foro securè operetur. Suar. c. 6. n. 11. Palao §. 5. n. 4. Et hinc sequitur, prout bene cit. Palao notat, quod privilegium datum pro foro externo concedat publicum usum sui; datum verò pro interno duntaxat foro concedat solummodo usum sui occultum, minimè inservientem pro foro judiciali externo.

13. Dividitur in Scriptum, & non scriptum. Non scriptum est, quod verbotenus à Principe concessum, vel præscriptione, aut legitima consuetudine est introducētum. Scriptum est, quod per Scripturam conceditur. Porro hac Scriptura debet esse authentica, & obligata Sigillo Principis, ut fidem faciat in foro externo. Ut verò Privilegium in Transumpto fidem faciat, olim necesse erat citari partem, cuius interest, ut compareat ad

contradicendum, quemadmodum adverbit Covarruv. qq. præf. c. 2. circ. fin. Rodriq. qq. Reg. 8. art. 16. Palao §. 5. n. 1. defacto tamen, ut cit. Palao notat, post Clem. V. ferè semper in omnibus Privilegiis, specialiter quæ Religionibus conceduntur, solet apponi clausula, ut transumptis etiam impressis habeatur fides integra, modò sint manu Notarii publici subscripta, & Sigillo personæ in Dignitate Ecclesiastica constituta munita.

14. Denique aliud est privilegium cuiquam per se primum specialiter concessum, aliud concessum ad instar. Illud est, quod cuiquam conceditur sine ordine, ac respectu Privilegii prius alteri concessi. Illud verò, quod conceditur ad instar Privilegii prius alteri concessi i. e. eo modo, ac forma, sub qua illud alteri convenit: qualia Privilegia complura convenientia Religionibus, communicationem Privilegiorum habentibus, Reiffenstuel hic n. 20.

S. III.

De Modis acquirendi Privilegia.

S U M M A R I U M.

70. &c. Quis concedere privilegia, possit?

73. &c. Cui concedi illa possint?

77. &c. Quomodo communicentur privilegia?

79. &c. Quid requiratur, ut privilegium concessum ad instar valeat?

83. &c. Quænam privilegia participentur per communicationem?

87. &c. Quomodo Regulares inter se partitione privilegia?

94. &c. An per Consuetudinem, vel Præscriptionem acquiri privilegium possit?

96. An sub revocatione privilegiorum comprehendantur etiam ea, quæ consuetudine, vel præscriptione sunt comparata?

Tribus modis acquiri Privilegia possunt:

1. Per ipsam actualem concessionem Superioris.
2. per Communicationem.
3. per Præscriptionem, aut consuetudinem legitimam.

Quæritur 1. quid intelligatur nomine concessionis? 2. per concessionem intelligi actum, quo simpliciter, & sine respectu ad aliud privilegium praexistens jus singulare conceditur. König hic n. 11.

Dub. 1. quis concedere Privilegium possit? 2. omnis, & solus ille, qui Legem potest condere. Sylv. V. Privilegium q. 2. Suar. l. 8. de LL. c. 8. n. 2. Azor. p. 1. l. 5. c. 22. q. 3. Salas D. 17. sed. 3. à n. 17. Bonac. D. 1. q. 3. p. 3. n. 1. Palao tr. 3. D. 4. p. 4. n. 1. Begnud. V. Privilegium n. 10. Gonzal. in c. si de terra 6. b. tit. n. 4. Engl. hic n. 9. König n. 10. Wiesner n. 5. Reiffenstuel n. 25. Ratio est, quia Privilegium est Lex privata, & privilegium saepe ab observatione Legis communis eximit, cæteros verò obstringit, ne ipsum impedit ab usu privilegii. At-

qui obligationem præcipiendo, vel prohibendo imponere, & à Juris communis observatione aliquem eximere Legislatore inferior nequit arg. can. inferior 4. diff. 21. & c. cum inferior 16. de major. & obed.

Dub. 2. Quis in specie conferre Privilegium possit? 1. concedere privilegium potest Summus Pontifex: & quidem in materia spirituali indistinctè in toto terrarum Orbe; circa temporalia verò directè, & per se in suo territorio tantum, ubi dominium habet temporale: in Laicorum autem ditionibus solèm indirectè, quatenus videlicet opus est per ordinem ad Spiritualia. Palao n. 1. cit. 7. quocirca, Pirhing n. 9. hic, König n. 10. Reiffenstuel n. 26. Et hoc verum est non tantum de Privilegio concessivo ultra Jus commune, sed etiam de dispensativo in Jure communis nam Pontifex Legem Ecclesiasticam sibi subiectam haber simpliciter: Civilem verò eatenus, quatenus opus est ad bonum commune Ecclesia.

2. Pri-